

03 AUG 2003

I

MALIK BERADA PADA SEPARUH JALAN DALAM CABARAN SELAT INGGERIS

Oleh: Asan Ahmad

DOVER (England), 3 Ogos (Bernama) -- Perenang maraton Abdul Malik Mydin masih lagi bertenaga dalam percubaannya menakluki Selat Inggeris dan menjadi perenang pertama di Malaysia berbuat demikian.

Pada pukul 10.30 pagi waktu tempatan, Malik, 28 tahun telah berenang 16km dalam masa lapan jam dan telah melebihi separuh jalan selat itu.

Malik, yang memulakan percubaannya pada pukul 2.08 pagi tadi waktu tempatan, tidak kelihatan penat, dan berenang terus pada tahap maksimumnya.

Cuaca pada pagi itu baik dengan suhu air 16 darjah selsius sementara kelajuan angin ialah 15 batu nautika sejam.

Pada pukul 10 pagi waktu tempatan, Perdana Menteri Datuk Seri Dr Mahathir Mohamad hari ini membuat panggilan telefon kedua kepada Malik untuk mengucapkan selamat berjaya.

Panggilan telefon itu diterima oleh pengurus Malik, Rahayu Ahmad.

Panggilan telefon pertama Perdana Menteri ialah pada pukul 1.36 pagi ini sebelum Malik mula berenang di pantai Abbots Cliff di sini.

-- BERNAMA

AHA NM BK